

Communicaziun a las medias

Domat, ils 13-01-2024

## **Grondiusa atmosfera e pretensiuns cleras a la politica naziunala a chaschun da la festa electorala da la PPS Grischun**

**Passa 200 commembras e commembers cuntents ed activs da la PPS dal Grischun han festivà lur success electoral a chaschun da las elecziuns federalas l'october 2023. Il president da partida e cusseglier naziunal novelegi Roman Hug e la cussegliera naziunala reelegida Magdalena Martullo-Blocher han engrazià a tut las candidatas ed a tut ils candidats, al comité electoral ed al grond dumber da gidantras e gidanters per lur engaschi nunstanclentaivel a favur da la Svizra e dal Grischun avant e durant il cumbat electoral. Er il giast da surpraisa, Marco Chiesa, president da la PPS Svizra e cusseglier dals chantuns tessinai, ch'è arrivà aposta si da Berna, ha exprimì ses plaschair dal resultat electoral remartgabel e dal sez supplementar per la PPS dal Grischun.**

Per las 25 candidatas ed ils candidats da la PPS dal Grischun e las numerusas gidantras ed ils numerus gidanters è il cumbat electoral per las elecziuns federalas l'atun 2023 stà collià cun blera lavur e blers sacrificis. Lur engaschi è sa pajà: la PPS ha pudì augmentar l'october la quota da las vuschs en il chantun sin 30.6 pertschient ed ha reconquistà meritadamain il sez pers il 2019. Ella resta lunschor la pli ferma partida en il chantun.

La cussegliera naziunala Magdalena Martullo-Blocher, reelegida cun in resultat excellent, ed il president da la PPS dal Grischun, Roman Hug, han engrazià cun ina saira da cumpagnia a las passa 200 personas preschentas per lur engaschi extraordinari. Che la PPS dal Grischun è en il fratemp fitg ferma en l'entir chantun, n'ha betg mussà mo il resultat electoral dals 20 d'october 2023, mabain era la derivanza dals giasts ch'èn viaggiads a Domat or da tut las vals e regiuns linguisticas.

En ses pled ha il president da partida Roman Hug analisà il resultat electoral en il Grischun ed ha rapportà sco cusseglier naziunal cun entusiassem da sias emprimas experientschas en la politica federala: "Cun dus sezs pudain nus da la PPS ans engaschar anc meglier per ils interess grischuns, per exempel en il turissem u la planisaziun dal territori." Suentar il past festiv ha Magdalena Martullo-Blocher rendì attent ils giasts a las sfidas politicas dals proxims onns: "Nus vegnin a stuaire cumbatter vinavant – cunter l'immigraziun sfranada, per in provediment d'energia segir ed ina Svizra independenta ed autonoma!"



# PPS dal Grischun

---

Per finir ha il giast da surpraisa Marco Chiesa, president da partida da la PPS Svizra e cusseglier dals chantuns tessinai, dà in sguard en l'avegnir ed ha fatg pretensiuns cleras a la politica naziunala da la legislatura 2023 – 2027: "Lain ans engaschar per ina Svizra libra e segira! Lain far fin cun il caos en il sectur d'asil, l'immigraziun nuncontrollada, la midada energetica utopica bler memia chara e la sutminaziun da la neutralitad e da l'indipendenza da la Svizra." La PPS saja la suletta partida che s'engaschia per soluziuns realisticas e raschunaivlas per quests problems imminents ed haja lantschè gist duas iniziativas respectivias ("Na ad ina Svizra da 10 milliuns" (iniziativa da persistenza) e la "iniziativa da neutralitad").

Per buna luna en la sala plaina han procurà trais giuvenis Grischuns: Lukas e Philip Joos e Laurin Aebli da la furmaziun giuvenila "Prättigauer Power" (tuts trais tranter 12 e 13 onns). Las trais giuvenas stailas da la scena da musica populara grischuna han gia pudì sa preschentar ed entusiasmar lur public a la Festa federala da la musica populara 2023 a Bellinzona – inclus visita en l'emissiun "Pötzmusig". Ed il striun Danini ha adina puspè procurà per muments magics e numerus surrirs e smirveglis cun ses trics da cartas ed auters striegns.

La finamira da la PPS è da purtar vinavant la buna atmosfera en las regiuns ed a Berna e da s'engaschar là cun gronda persvasiun per il pajais.

La PPS dal Grischun engrazia anc ina giada a tut las electuras ed a tut ils electurs per la confidenza demussada ed il grond sustegn.

\* \* \* \* \*

## Ulteriuras infurmaziuns:

Jann Thöny,  
schef da pressa PPS dal Grischun  
☎ 079 947 16 85  
✉ [jann.thoeny@svp-gr.ch](mailto:jann.thoeny@svp-gr.ch)



# PPS dal Grischun



## Fotos da la festa electorala 2023 da la PPS dal Grischun dals 12 da schaner 2024:

(da telechargiar sur la suandanta colliaziun)

<https://www.swisstransfer.com/d/6d55fe80-f335-4990-a819-3579716970e9>



Da buna luna: ils cussegliers nazionals da la PPS dal Grischun Magdalena Martullo-Blocher e Roman Hug ed il cusseglier dals chantuns e president da la PPS Svizra, Marco Chiesa, a chaschun da la festa electorala.



Jann Thöny, schef da pressa PPS dal Grischun, Carsiliastrasse 27, 7220 Schiers  
079 947 16 85, jann.thoeny@svp-gr.ch, www.svp-gr.ch





# PPS dal Grischun



Il president da partida e cusseglier naziunal novelegi Roman Hug engrazia a Christian Morf, deputà en il Cussegl grond e manader dal cumbat electoral da la PPS dal Grischun, ed al comité electoral per il grond engaschi.



Grondiusa atmosfera a la festa electorala da la PPS dal Grischun (1)



Jann Thöny, schef da pressa PPS dal Grischun, Carsiliasstrasse 27, 7220 Schiers  
079 947 16 85, jann.thoeny@svp-gr.ch, www.svp-gr.ch





# PPS dal Grischun



Grondiusa atmosfera a la festa electorala da la PPS dal Grischun (2)



Grondiusa atmosfera a la festa electorala da la PPS dal Grischun (3)



Jann Thöny, schef da pressa PPS dal Grischun, Carsliasstrasse 27, 7220 Schiers  
079 947 16 85, jann.thoeny@svp-gr.ch, www.svp-gr.ch



# PPS dal Grischun



Grondiusa atmosfera a la festa electorala da la PPS dal Grischun (4)

\* \* \* \* \*